

Q. D. B. V.

DISPUTATIO MEDICA INAUGURALIS

De

FEBRIBUS CA- TARRHALIBUS

Quam

Consentiente Illustri ac Gratioſo Medicorum

Collegio in inclyta ad Salam Academia,

SUB PRÆSIDIO

VIRI

Nobilissimi, Amplissimi, Excellentissimi atq; Experientissimi

DN. RUDOLPHI WILHELMI

Strauß / Phil. ac Medic. Doct. Pra-

ctica ac Chimiae Profess. Publ. celeberrimi:

Facult. suæ Senioris Spectabilis,

Dn. Præceptoris, Patroni & Promotoris sui sempiternum colendi,

PRO LICENTIA

Summos in arte Medica honores, Insignia & Privilegia

Doctoralia legitime impetrandi.

Publico Philiatorum Examine submittit

CHRISTOPHORUS Bohnstedt

Egla-Halberstädiensis.

ad diem 26. Aprilis

In Auditorio majori, horis pro- &
pomeridianis.

JENÆ,

TYPIS MÜLLERIANIS. ANNO 1676

CAPUT I.

Onomatologia.



EBRIS CATARRHALIS tradituri historiam operæ pretium fecerimus, si primò omnium de *nominis* evolutione pauca præmittamus; rectè enim *Scalig. Exerc. 1. sect. 1.* à nominibus, inquit, provehimur in rei perceptionem, cui *Galenus* quoque adstipulatur *Meth. l. 2. c. 7.* Ut igitur in ipsius rei cognitionem ac veritatem eò felicius deducamur, sistimus hîc

ETYMOLOGIAM, ubi tamen, quod *Febris* appellationem attinet, vocis nomenclaturam nimis scrupulosè venari nolumus, sed curiosum nominum lectorem amicè remittimus ad ea, quæ *Sennertus l. 1. de febr. c. 2.* & *Hoffman. tract. de febr. c. 2.* annotarunt, & ibidem videri poterunt. Sufficit hoc loco, græcam vocem πυρετός ὁπὸ τῆς πυρῆς ab igne dictam, notanter satis ostendere, *Febrem* vivocis esse morbum cum fervore ac incendio conjunctum. *Catarrhalis* verò dicitur hæc febris ab adjuncto, seu, quo stipata affligit, *catarrho*, estque itidem hæc vox Græca, diciturque ὁπὸ τῆς κατὰ πρῶτον, & nihil aliud, quàm *defluxionem* vel *destillationem* è superiori loco ad inferiorem denotat. De variis hujus vocis acceptionibus vid. *Rolfinc. de Aff. Cap. part. Diss. 12. de Catarrh. p. 2.*

Neverò HOMONYMIA, ut aliàs errorum fæcunda existit parens, ita & hîc dissensum fortè aliquem inferre possit, præcavendum nobis videtur. Nos igitur non sensu confuso cum plebe continuas quasvis, aut quæ cum aliquâ membrorum gravitate invadunt, sed adæquato & distincto illa tantum pro catarrhalibus habemus, quæ nec febrem sine *catarrho*, nec hunc citra febrem eminentem continuam exhibent, quarum ulterior descriptio ex sequentibus patebit,

Quoad

Quoad **SYNONYMIAM**, catarrhi febriles, febres suffocativæ, catarrhi epidemii dicuntur, item febres lymphaticæ glandulares, de quibus *Sylvius Prax. med. l. 1. c. 29. §. 6. II. & gravedo anhelosa in Joh. Asserveri dissert. jathromathemat.* Alio nomine, sed improprie, ardentès vocantur, & aliquando cum *malignis* confunduntur, præcipuè cum epidemio more invadunt; Germani *Fluß-Sieber* vocant, abusive hîgi Sieber. Nonnulli his annumerant *arthriticas*, quod credant, à catarrhis produci arthritidem, quam tamen sententiam refellit *Sylv. l. 2. cap. 30. §. 36.*

CAPUT II.

Definitio realis.

PRæmissâ terminorum explicatione, ut ex confusâ morbi notitiâ ad pleniorè ejus declarationem progrediamur, *realem ipsius definitionem* subjungimus talem: *Febris catarrhalis est calor corporis præternaturalis continuus, conjunctus cum defluxionibus, & variarum partium secretioni serè dicatarum insigni molestiâ, à vitiosè fermentescente, inque corde accensâ sanguinis parte serosiore ortum habens.*

Definitionem hanc, utpote essentialibus suis partibus constantem, febribus catarrhalibus exactè competere, cuivis ipsam intuenti facile patebit; Generis enim proximi loco constituimus *calorem corporis præternaturalem continuum*, hoc est, *febrem continuam*, de cujus præsentia dubium planè nullum est. Quod *febris* sit, non invasionis tantum modus & calor præternaturalis, sed solutio quoque ejusdem luculenter ostendit, quemadmodum ex sequentibus erit manifestum. *Continuam* esse, eam scilicet, quæ *κοίτης* Græcis appellatur, ex more illius ac genio patet; habet enim ut plurimum suas vel singulis vel alternis diebus, præcipuè circa noctem, exacerbationes ac remissiones, nec ad omnimodam tamen *ἀμυξίαν*, nisi sublato simul morbo, pervenire consuevit;

A 3

quin

quin, quod sublata ipsa febre, quædam tamen affectus reliquæ eosdem adhuc, minores licet, per aliquod temporis spatium paroxysmos æmulentur. Non quidem omnes ad hunc continuarum gradum perveniunt, cum quædam sint leviores, *Synochorum* potius æmulæ, quæ nulla accessionum intervalla habent, sed eodem caloris gradu ad finem usque perseverant, & paucos intra dies terminantur; sed hæc mitiores sunt, & ob leviolem minoremque sanguinis incallescenciam, operam medicam vix requirunt. *Foubertus de Febr. diff. c. 15. περὶ πυρελῶν* sive catarrhicas febres de continuarum quotidianarum genere, esse agnoscit, cum circa noctem ferè, aliquando etiam post pastum, hecticarum ad instar, efferentur. *Sylvius* quidem *Prax. med. l. I. c. 30.* intermittentium catarrhalium mentionem facit, sed hæc alterius planè sunt indolis, & cum paroxysmo febrili ingruunt, cumq; eo recedunt, saltem hisce locis non adeò familiares.

Serum vitiosè fermentescens producere has febres, non sine causâ dicimus, dum enim collecta, varias ob causas, in sanguine humorum serosorum colluvies ab exitu per consveta sua loca præpeditur, & sanguini commixta permanet, facili post negotio ad turgescendum ebullendumque disponitur, medianteq; hinc cordis motu præternaturalem in corpore calorem, seu febrile incendium excitat. Signa talismodi vitiosæ fermentationis non desunt, considerantibus nobis pleraque hujus morbi symptomata inferius recensenda, quæ fermentanti ac ebullienti in corpore sero deberi, extra controversiam est.

Altera definitionis nostræ essentialis pars, per quam κατ' ἐξοχὴν febris hæc catarrhalis vocatur, exinde emergit, quod affectum hunc cum defluxione, & consequenter variarum partium secretioni seri dicatarum insigni molestia conjunctum esse dicamus. Nimirum hoc ipsum desumitur tam à causa, quæ est sanguinis pars serosa in corpore fermentescens, quàm ab ejusdem cause subjecto, *Glandulis*

alis scilicet, serosum humorem separare aliàs solitis, iisq̃ potissimum conglomeratis, in varias corporis partes sese exonerantibus, præcipuè verò in capite, oculis, naribus, buccis, palato, faucibus, ventriculo, intestinis, ipsisque adeò pulmonibus, contentis. Hæ omnes scilicet partes, ingruente catarrhali febre, præ aliis laborant, eoq̃ ipso reliquæ febres continuæ à catarrhalium censui imprimis excluduntur.

CAPUT III. Subjectum.

Cognitâ morbi essentiâ, requirit porro instituti nostri ratio, ut *subjectum* illius, sive *locum affectum* consideremus. Quoniam verò affectus hic non simplex est, sed compositus, ut confusionis evitemus periculum, *subjectum* aliud constituimus morbi, aliud *causa morbifica*.

SUBJECTUM MORBI, incendii nempe febrilis est ipsum *Cor*, caloris tam naturalis quam præternaturalis focus, omniumque, quibus humani corporis fabrica vel laber actatur, vel erigitur, primaria origo. Fieri enim nequit, ut citra cordis ministerium, ex quo tanquam fonte partes corporis quæcunque suum recipiunt calorem vitalem, febrile aliquid nobis concipiamus, testante id in quavis humorum ebullitione ac fervore, motu ejus celeri ac præter solitum fortiori.

Generationis modus incendii hujus febrilis alius non est, nisi quod delitescens antehac & quietior serosus latex, jam verò turgescientiam adeptus, cum refluxo per venas sanguine cordis intret thalamos, ibique novam subinde flammam concipiat, egressus verò iterum per arterias, ad corporis quæcunque viscera ipsosque artus, hoc, quod febrem dicimus, secum derivet, usq̃ dum vel ad statum naturalem reducatur, vel hospitio suo hospes peregrinus ac molestus planè exulare cogatur.

SUB.

SUBJECTUM CAUSÆ MORBIFICÆ dicimus esse *Glandulas*, easque variis in partibus. Notum quippe est, quid *Stenonis Warthonique* industria de *glandularum*, capiti imprimis adfitarum, peculiari usu nobis detexerit, eas videlicet juxta naturæ leges, *liquorem limpidum, tenuem, aquosum, salivalem*, à sanguinis massa separatum, continuo ad subjectas vel conterminas sibi partes amandare; de cujus tamen liquoris usu generalem tractationem instituere, hujus loci non est. Vid. *Warthon. adenoraph. c. 21.* Talismodi nobis *glandulas* ostendunt, majores quidem, ad aures, *parotides* dictas, ad maxillam inferiorem *thyroideas*, ipsoq; in faucium isthmo notas illas *amygdalarum vel tonsillarum* nomine donatas: minores vero ac minimas in oculis, naribus, buccis, palato, faucibus innumeras, per proprios ductus, loca, quibus adjacent, perpetuo madore irrigantes. Vid. *Stenon. Obs. Specim. de gland. p. 31. & seq.* Notum præterea est, quantum in ventriculi ac intestinorum detegendis minimis glandulis tum alii, tum imprimis *Malpighius* defudârit, quantum etiam hic in patefacienda vasorum pulmonis lævium cum asperis communicatione, per varia experimenta impenderit studii; ut nullum planè hinc dubium sit, in omnibus recensitis partibus, in statu etiam maxime naturali, humoris alicujus, pro diversis usibus, fieri separationem.

Dato igitur per nominatas modò *glandulas humorum transitu naturali*, probabile porro fit, ibidem in statu quoque præternaturali majorem copiosioremq; eorum effluxum posse contingere; hincq; existimo, quicquid in *catarrhalium februm* insultu, & fauces, & thorax, & ventriculus, aliæve partes incommodi patiuntur, id omne partium earundem glandulis, perque eas erumpenti *materiæ serosæ* unice tribuendum esse: cujus rei veritas in causarum relatione pluribus patebit.

Sententiam hanc, *Serum* nempe *catarrhale* effluere per *glandulas*, ab *Excell. D. Meibomio Medicina Professore in Acad.*

cademia Helmstadiensi celeberrimo , *Preceptore meo fidelissimo*, in publicis prælectionibus propositam , amplecti nullus dubito , eoque lubentius illam sequor , quò manifestiori sensuum adminiculo nititur , nec in mentis solo ratiocinio acquiescit. Confirmat enim id ipsum *Nicol. Stenonis*, dum l. c. p. 41. & 46. quocunque corporis loco aquosus quidam naturaliter reperitur humor , eundem ab illius partis glandulis oriri , & sic glandulas catarrhorum esse fontes , existimat.

Cerebrum quidem ipsum (quod pro catarrhorum subiecto primario haberi alias solet, & ab *Excell. Dno. D. Preside* non planè excludendum esse in lectione publicà de catarrhis monebatur,) non rejicio , quatenus id similiter suis quibusdam glandulis præditum est, & imprimis si catarrhalis quidam humor juxta Veterum sententiam vel ex *cerebri ventriculis processibusque mamillaribus ad nares per os cribriforme* exstillet (quod tamen non usque adeò certum est) vel ex *glandula pituitaria ad palatum per os cuneiforme* defluat, (quod *Willisii* relinquendum experimento, qui humorem illum ex *glandula pituitaria* in vasa sanguinea reducit, *Anatom. Cerebr. c. 12.* & *Stenonis l. c. p. 43.* ab eadem glandula liberam vidit in venas viam) tantisper credo , in Cerebro catarrhalis materiæ fieri generationem ; ast dum manifestiores *glandularum ductus* , materiamque per illos exstillantem oculis penè ipsis conspiciere licet , idcirco existimo, *glandulosa hæc corpora* , relicto ex parte cerebro, (quod si quicquam etiam demittit , parum tamen fuerit) pro vero *catarrhalis materiæ colatorio* atque subiecto habenda esse.

Interim nec Veterum culpæ placita, nec aliorum quorundam opinioni refragari volo , attamen , ut assensum iis omnem præbeam , citra rationum sufficientiam facile non adducor, sed quod probabile magis hîc videtur, ei omnino assentiendum puto.

CAPUT IV

Causa proxima.

CUM absque Causarum cognitione morbi naturam investigare, vel ipsius remotionem moliri Medicus nequeat, *causa quoque*, asserente *Montano in Cons. de Feb. c. 29.* ad curandi rationem nos deducant, hinc earum nunc tractationem instituemus. Sunt verò causæ illæ multiplices, & in varias classes dividuntur, è quibus magis conspicuas allaturi, *Causam proximam* aliam constituimus, alias *remotas*.

PROXIMA igitur sive *immediata* febris catarrhalis *causa* (quâ positâ præsentem, sublatâ absentem judicamus affectum) nobis esse videtur *serose colluviei* in māsâ sanguinea nimîâ *quantitate* congestæ, & sæpe *acris* redditæ, *fermentatio* & *motus præternaturalis*, quæ deinde ob turgescentiam ac incensionem, ex corde per arterias tum in partes corporis quascunque, tum præcipuè in *glandulas* capiti adfitas, ipsumquæ *pulmonem* irruit, febrilemquæ calorem, & varia variis in partibus symptomata excitat. Sed jam singula seorsim considerabimus.

Essentiam nimirum catarrhalis materiæ si spectamus, sub *serose colluviei* nomine veniunt *humores* quicunque *tenuēs*, *aquosi*, *ichorosi*, *pituitosi*, unâ cum sanguine in arteriis ac venis contenti, medianteque circulatione quaquaversum propulsi, sive *seri*, sive *pituitæ*, *lymphæ*, aliusve liquoris appellatione indigentur.

Essendi modum considerantes, per *serosam colluviem* intelligimus *humores* i. non toto quidem genere excrementitios ac inutiles, (utpote quibus ipse sanguis pro vehiculo maximè necessario utitur) sed *abundantes*, *superfluos*, & præter naturæ ordinem retentos in corpore, amicabili quidem consortio ipsi junctos, dum tranquillo ac sedationi motu corporis meatus perreptant, at, dum exagitati fluctuant ac ebulliunt, naturæ regimini minus obediētes, finibusque suis, quibus cōcereri tum
satis

fatis nequeunt, quàm primùm eliminandos. Hinc 2. præ-
ter abundantiam, *acrimoniam* quoq̃ subjungimus, idq̃
non immeritò : licet enim nonnulli, inter quos est *Jouber-*
tus lib. de febr. humores catarrhales planè insipidos aut dul-
ces pronuncient, hâc moti ratione, quod linguam acredine
non feriant, nec sensu percipiantur; attamen si non mani-
festa semper est eorum acrimonia, latentes tamen habent
aculeos, quibus partes vellicent ac pungant, quod in nari-
bus sternutationes, in faucibus erosio, in ventriculo dolo-
res, in intestinis diarrhæa, in pulmonibus tussis & continui
solutio abundè testantur. Equidem si naturæ adhuc le-
gibus conformes sese exhibent, sapore infecti vix depre-
henduntur, quam primùm verò à naturali hoc desciscunt
statu, qualitate peregrinâ mox inquinantur, & falsedine,
aliove sapore satis manifesto sese produnt, quemadmodum
Rolsinc. de Aff. Cap. part. diss. de Catarrh. p. 5. & 8. id fusiùs ex-
plicat.

Præcipuè autem præter hæc dicta vitia, utraq̃ magnæ
activitatis, serosi humores delinqvunt 3. *motu*, quate-
nus turgescunt ac fervorem concipiunt, id quod ob-
tingere ipsis quàm facillimè potest. Uti enim talis modi
serum nondum agitaturn, quascunq̃ corporis partes cum
massa sanguinea innoxie alluere ac pervadere solet, sic datâ
enormi occasione, in circulo suo præpeditum efferatur, &
impetuoso planè motu intra sua vasa rapitur, ac ebullit,
unde excitato quasi igne peregrino mox corpori incen-
dium universale communicatur. Quod autem serosus il-
le liquor ad fermentescendum maximè sit proclivis, ita, ut
vel quavis accedente causa turgeat & exardescat, ab ipsius
præcipuè natura videtur dependere, dum in statu qui-
dem naturali blandus, mitis ac roscidus ille est, mutato
verò hoc ordine \ominus ina corpora quæcunq̃ ac fermenta
promptè suscipit, omnibus jungi amat, facile mobilis est,
& nusquam non reliquo sanguini heterogeneas \ominus inas
particulas (quas non tam acidas vel alcalinas, quàm sal-

las minùs separatas statuere possumus) firmo utpote con-
nubio sociatus, affricare aptus natus est.

Imprimis verò (præter reliquas corporis partes feri
huius fervore ac motu attactas) *glandule* capitis, ipsique
pulmones notabili afficiuntur molestia. Videlicet dum su-
perfluous ille aquosus humor, per cutis aliàs spiracula excer-
nendus, naturali sero intimiùs miscetur, inq̃ vasis cu-
mulatur, febrili tandem accedente effervescentiâ, (poris
cutaneis propter ipsorum constrictionem relictis) con-
sveta humorum salivalium colatoria capiti adsita, aspe-
râq̃ pulmonum arteriæ infixâ, non sine partium adjacen-
tium insigni detrimento, pertransit.

Patet inde quid de partium Mandantis, Transmitten-
tis & Recipientis discrimine statuendum hoc loco sit.
Mandans videlicet pars nobis erit tota *vasorum sanguineorum*
congeries, in iisq̃ contenta *massa sanguinea*, cordis beneficio
motum adepta, quæ dum *seri* (individui aliàs sui comitis) à
statu suo blando desciscientis *peregrina admixtione*, canales
suos nimium replet, accedente *novo fermentationis motu* in-
altum exsurgit, seseque dilatando eruptionem molitur, &
per ea demum spatia, quæ feri salivalis separationi aliàs na-
tura construxerat, *superfluum hunc ichorem* expellit, seseque
ab heterogeneorum humorum sarcina ex parte liberat.

Quod verò non semper catarrhalis ille superfluous li-
quor divortium à sanguine faciat, idcirco videtur contin-
gere, quod non quovis tempore, hyberno præsertim ac
frigido, serosæ illæ particule æquè sint explicabiles ac tu-
midæ, ut quâvis sui parte extremas glandularum oras pete-
re, perq̃ eas (præsertim) constrictiores) elabi possint,
sed compedibus quasi ligatæ cum reliqua sanguinis massa,
uniformi tanquam corpore, citra insignem viventis mole-
stiam circumduci se quaquaversum patiantur; ast quàm
primùm magma illud sanguineum vel ob anni tempo-
rum mutationes, vel aliâ quavis de causa, intumescere,
incendi, disgregariq̃ cœperit, tum à vinculis suis libera
hæc serositas, quâ data porta, ruit, exitumque per con-
sveta

sveta sibi aliàs loca molitur. Etenim transpiratione pororum libera & sibi constante, exhalatio sui adhuc juris est, hyberno verò ac frigido austrino aëre serosæ & Sinæ particula subtiliores, quæ jam ut superflux hæc exitum expectabant, retentæ, quasi coagulantur, hinc in motu turbantur, & quasi tumidæ evadunt,

Transmittentes partes sunt *glandula* supra memoratæ, quæ ab implantatis sibi arteriis delatum cum sanguine serum determinant ac segregant, perq̃ peculiare ductus (vel longiores vel breviores, majores minoresve, pro ipsarum magnitudine ac mole) ad fauces, ventriculum, & pulmones exstillare faciunt. Non deest enim glandulis aptitudo huic inserviendi scopo, cum teneræ sint ac molles, texturæque laxioris (debiles ob id partes vocatæ) humoribus percolandis ac transmittendis perquam commodæ: his præterea in locis sitæ, unde ab auribus ad os, ab oculis ad nares, à naribus ad fauces ac palatum, à faucibus ad pulmones (si quidem catarrhorum aliquid ex ore in asperam arteriam delabi putemus) & ventriculum, prompta ac facilis conceditur via.

Recipientes deniq̃ partes sunt omnes illæ, quæ ingruente catarrhali febre præ aliis malè habent, in quarum scilicet cavitatibus materiæ defluentis vel transsudantis eo tempore fit collectio, uti imprimis sunt fauces, ventriculus, pulmones, aliæq̃ partes, quarum in subsequentibus ulteriorem faciemus mentionem.

CAPUT V.

Causæ remotæ.

Nunc ad remotas causas accessum facimus, quarum indagatio curationem rectè instituendam non parum adjuvat, & magni insuper momenti res est, cognitum habere, qua ratione massam sanguineam cum admixto ipsi sero alterare, corrumpere, & labe aliqua contaminare va-

leant. Tantum nimirum remotæ hæ causæ ad febrium catarrhalium generationem conferunt, ut absq[ue] earum *αἰτίαι* vix unquam catarrhales produci nobis persvadeamus.

Quotquot verò illarum observatæ hætenus sunt, tribus potissimum modis suum hîc conferunt symbolum: 1. quædam *fomitem* subministrant, sive *materialis causæ* rationem habent, augendo seri in corpore proventum: 2. quædam humores jam in vasis contentos *movent, rarefaciunt, liquant,* veletiam *turbant.* 3. quædam denique eorum, quæ *evacuari* naturaliter per cutis poros aliasve vias debebant, *egressum ac secretionem cohibent, reprimunt ac sufflaminant;* unde serosos pituitososq[ue] humores in sanguine coacervari, necessum est.

Ut verè singulas causas hisce modis in corpore nostro agentes breviter consideremus, lubet eas juxta rerum *naturalium, non-naturalium & præternaturalium* usitatas classes examinare, initium faciendo à NATURALIBUS, inter quas primum locum obtinet *Temperamentum* idque vel *totius corporis, vel quarundam saltim partium.*

Totius quidem culpâ catarrhos gigni contingit, quatenus calore minùs vegeto corpus aliquod præditum est, nec firmum satis robur obtinet in dissipandis humidioribus, aqueis uvidisq[ue] particulis massæ sanguineæ permixtis; quale temperamentum illud est, quod *frigidum & humidum* vocari aliàs solet. Quò enim vigoroso magis & spirituofo sanguine corpus præpollet, eò minùs aquosi aut pituitosi humoris exundantiâ obruetur; at, si langvidior vitalis flamma fuerit, pabuloq[ue] minus Deo sustentata, tum, præsertim si accessu *Θίνι* stimuli fluxilius redditum & quasi acuatum fuerit serum, uberrimo aquarum affluxu irrigari ac perfundi id ipsum, morbisq[ue] catarrhosis obnoxium reddi faciliùs poterit. Post hoc ipsum non minùs *calidum ac humidum temperamentum* maximè ad catarrhales febres est dispositum; licet enim calido & humido vita gaudeat, attamen si vel minimum proportionè naturæ

leges exsuperet, promptuarium evadit morborum talismo-
di aptissimum.

Habitus quoque corporis densus, crassus, obesus, diffan-
dis serofitatibus uti minus sufficiens ac commodus, ita ge-
nerandis & accumulandis iisdem præ omnibus maximè fa-
cilis & pronus existit.

Viscerum verò *particularia temperamenta* quod attinet,
varia hîc ab Autoribus proponuntur. Plerique *Cerebrum*
accusant, quod, cum ex sua natura *frigidum sit & humidum*,
largo semper pituitæ ac feri fonte scaturiat, (*vid. Aristot. de*
gener. anim. c. 3.) suosque rivos in subjectas partes ubertim
demittat. *Helmontius* contra cerebro pituitæ separationem
falsò imputari autumat *lib. catarrh. deliram.* inscripto, pe-
culiaris *Viscerum fermenti corruptionem* incusans. *Montanus*
in Consil. Hepatis caliditatem & simul ventriculi frigiditatem
(eodem licet in subjecto) pro catarrhorum causa agno-
scit, nimirum quod ob ventriculi frigiditatem cruditates o-
riantur, quæ ab hepatis caliditate sursum ad caput dela-
tæ, in eo, tanquam in alembico, sub pituitæ forma colli-
gantur, & ad subjectas partes iterum depluant.

Autorum lites componere, vel Veterum subruere hy-
potheses, animus nunc non est, cum in effectis quidem
& curandi ratione discessum ab iis omnino non faciamus ;
interim principia tantum & causas aliter constituere, ex
quibus certior eventuum ratio reddi queat, liberum fortè
cuivis fuerit. Sufficiet hîc de viscerum temperamento nos-
se, quod non sola ipsorum caliditas, frigiditas, vel humi-
ditas attendenda sit, sed multis aliis modis eorundem actio
lædi, vitiumque inde communicari corpori possit.

Ventriculus, coctionis publica officina, si fermenti
sui ratione officio debite fungatur, nutritioque succo lauda-
bili partes alat, integro vigore singulæ subsistent, nec in-
columitatis adversæ subibunt pericula ; quod si verò ali-
mentorum digestionem coctionemque ventriculus perfun-
ctoriè saltim aggrediatur, tantum abest, ut corpus grato
reficiat nutrimento, ut potius alieno ac faculento humore
id

id ipsum obruat, multarumque cruditatum autor existat. *Hepar*, si ratione bilis suæ ferocientis aut quovis modo æstuantis, incalescat, humores fortè reliquos ab eo incendi, serumq; si abundaverit, in fervorem agi, vero non absimile videtur. *Cerebrum*, quatenus pro glanduloso quoque corpore habetur, & in naturali statu lymphâ abundè instructum est, ad materiæ catarrhalis generationem aliquid etiam conferre poterit, dummodò seri è cranio descensus, certiores, ac pro explicandâ catarrhorum doctrina sufficientes meatus repererit. Reliquas verò partes seri generationem vel ejus alterationem multum adjuvare, vix putandum est, si glandulosa tantum excipias corpora, non ea duntaxat, quæ faciei sunt, sed & ipsi cuti totum corpus ambi-
enti adhærentia, quorum constipatio quàm variis ægritudinibus, febribus præsertim catarrhalibus ansam præceat, extra controversiam est.

ÆTAS succedit, quæ immunis quidem nulla reperitur, *puerilis* tamen malo huic præ aliis est obnoxia; multo enim sero hæc ætas abundat; humiditate diffluit, frequentî alimentorum usu ac copioso inordinate delectatur, ventriculo tamen ob *ἀδυναμία* debili minusq; firmo est prædita; unde vitiosis humoribus & ferosâ cruditate præmaturâ eam occupari necessum est.

Senilia quoq; corpora ab hoc censu non excludenda, ob calorem nativum fatiscentem, viresq; cum labentibus annis imbecilles ac deciduas, tonum item ventriculi jam flaccescentem ac langvidum, qui proinde, fermenti accedente inertîâ, cibos, licet optimos, nec digerit satis, nec in succum corpori alendo commodum, sed crudum potius ac pituitosum convertit. Accedit huc, quod Senes ut plurimum plus potum quam cibum ament, sæpeq; genio suo nimis indulgeant.

SEXUM quod attinet, viros magis quam fæminas hoc corripî affectu deprehendimus, id quod *victus* quoq; rationi adscribendum videtur, cum luxuriei magis viri quàm fæminæ dediti sint, sæpiusq; diætæ errores illi quàm hæ

hæ incurrant, iisdem quoq̃ fœminis superflua serosa humi-
ditas per menses benè habentes evacuetur.

Rerum nunc NON-NATURALIUM instituemus
examen, ubi primum locum obtinet *Aër* corpus nostrum
extrinsecus ambiens & inspiratione attractus, qui, ut in
variis producendis affectibus summæ aliàs efficacix est,
ita catarrhosis morbis generandis tantum non solus ali-
quando sufficit. Non autem quævis aëris dispositio eodem
modo corpus nostrum alterat, sed pro qualitatum disci-
mine hōc vel illo modo agentium, operationem suam deter-
minat.

Frigidus aër, quatenus cutis poros coarctat, & vaso-
rum capillarium constringit ramos, non humidum tantum
aquei διαπνοῦν sive *exhalationem* cohibet, sed id ipsum quo-
que (inspiratione præsertim attractus) tenuitate sua ex par-
te privat, incrassat, & torpidum quasi reddit minusq̃ flu-
xile; unde sensim aquea hæc (pituitosa nunc vocanda)
progenies sanguinis miscellæ adunita, in vasis subsistit ac
coacervatur, & multorum deinceps malorum existit origo.
Hæc causa est, quod, qui aëris frigidi injuriis multum sese
exponere coguntur, catarrhosis affectibus præ aliis sint
obnoxii.

Calidus aër, dum inspirationis lege pulmones intrat,
fervidisq̃ suis particulis transeunti vel allabenti sanguini
se se immiscet, humores in eō rarefacit ac fundit, &, si tan-
ta adfuerit feri prius collecti copia, motum ibi præternatu-
ralem, ac varii generis febres, catarrho imprimis comitatas,
producit.

Inæqualitas verò aëris in humorum excitanda *δυσκρασία*
palmam sibi præripit. Quemadmodum enim subita in-
contrarium mutatio (teste *Hippocrate*) omnis aliàs pericu-
losa est, ita crebriores ac contrariæ *tempestatum vicissitudines*,
aërisque frigidioris in fervidum, aut fervidi in frigidum
subitanæ transitiones, nunquam ferè non *κοποφόροι* sive
ægritudinum plenæ existunt. Quoad ipsam quidem *sub-*
stantiam aër, dum catarrhosis febribus ansam præbet, ut plu-

rimum non peccat, nec ullam corruptionis notā prodit; sæpè tamen etiam contingit, ut *μιασματῶν* quædam maligna ac contagiosa ab insalubribus ac cadaverosis effluviis sibi impressa contineat, quæ, dum pulmonum bronchia subintrant, peregrinam in sanguine fermentationem cum febrili calore partiumque vitalium symptomatibus sæpè lethali-
bus produciunt. Talismodi *catarrhales febres malignitatis* participes non pauci observarunt Autores, *Mercatus, Wierus, Forestus, Bokelius*, & alii, quorum observata huc adducere pagellarum angustia non permittit; imò verissimum esse videtur, quod nuper *Excell. Dn. D. Præses* in lectione publicâ de catarrhis monebat, tales febres rarò malignitate carere, eamque ex variis supervenientibus symptomatibus satis deprehendi posse.

Anni tempora subjungimus, quorum *mutationes*, asserente *Hipp. sect. 3. aph. 1.* morbos faciliè pariunt, febrium præcipue catarrhalium insultus. Toto quidem anni decursu ingruere hæc febres possunt, hyeme tamen in latitudine suâ consideratâ, (quatenus ad eandem & autumnii finis, & veris initium omnino quoad hoc pertinet) omnium maxime sese produnt: Vere quidem, dum delitescentes & quieti per hyemem serosi succi, moveri jam, propullulare ac fermentescere incipiunt: *Autumno* verò dum is plurimas inæqualitatum vicissitudines patitur, humoris serosi modi frigore suo transpirationem impediens, modò calore iterum rarefactionem ejus & fluxum celeriores promovens, de quo *Hipp. sect. 3. aph. 4.* Hinc observatum fuit crebrius, & elapso quoque anno, si autumno temperatiori, subitaneum ingruat frigus, nec constanti tenore perduret, frequentissimas febres catarrhales exoriri. Accedit, quod fructuū corruptibiliū, quos vulgus horarios vocat, autumnali tempore uberrimè generatorum usus promptum hujus affectus suscitabulū subministret. Imprimis verò *austriana & humida* aëris constitutio, ut aliorum, ita etiam hujus morbi est feracissima, cujus noxas passim *Hippocrates* notat, imprimis *sect. 3. aph. 13. si autumnus, iniquens, pluviosus fuerit & australis, capi-*
tis

tis dolores sunt, & tusses, & raucitates & gravedines.

Non tantum verò consveta *anni temporum* mutatio, sed & magna eorum *inordinatio*, dum, præter morem, v.g. hyems intenso nimis frigore, vel calore excessivo *Æstas* delinquit, febrium catarrhalium apparatus secum ducit; quale quid observavit *Willisus lib. de Febr.* ubi catarrhalem febrem describit, medio vere epidemicè grassantem, ob nimium brumæ præcedentis continuum frigus ortam.

Cibus & Potus quantum in producendo hoc affectu habeant valoris, neminem omnino latet, qui alimentorum qualitates sive bonas sive malas sangvinem penitus æmulari cognoverit. Potest autem in iis assumendis variè peccari, dum vel in *quantitate*, vel *qualitate*, vel *utendi modo* error aliquis committitur.

Quoad *quantitatem* delinqvunt, qui alimenta, quamvis laudabilia, nimis magnâ copiâ ingerunt, unde non solum fibrarum ventriculi nimia fit distensio, sed & ipse fermentalis liquor præter modum obruitur, assumptaque debito modo non subiguntur; quo fit, ut præpeditâ ipsorum digestionem, debitoque recrementorum inutilium secessu, crudiores succi copiosius in sangvinem transeant.

Ratione *qualitatis* malum hoc in sese derivant, qui pravo utuntur victu, cibos potusque assumunt corruptos, vel succis superfluis, aqueis, fluidioribus refertos, labe hinc in sangvinem, naturæ vix corrigendâ, redundante.

Utendi denique modus intempestivus ac præposterus, dum neglecto assumendorum ordine vel potulenta semper cibis præmittuntur, vel sæpius in die ciborum ac potuum usus, prioribus nondum digestis, iteratur, magnum in colligendis vitiosis humoribus momentum confert.

Esculentorum censum subeunt cucurbitæ, cucumeres, portulaca, atriplex, pisces paludosi, anguillæ, tincæ, aves in stagnantibus aquis degentes, anates, carnes suillæ, panis non ritè fermentatus, quatenus pleraq; hæc materiam pituitosam sangvini suppeditant; Cepæ, porrum, raphanus, fructus horarii, quatenus humores simul movent,

irritant, & ad fermentationem aptos reddunt. Cætera esculentorum genera, quò enumeratis hisce magis affinia sunt, eò promptius febrium catarrhalium pabula subministrant. Inter *potulentia* mustum, illudque imprimis quod in fermentatione impeditum, vina it. aquola, cerevisiæ fœculentæ, turbidæ, fermentationem non satis passæ, non levem in hoc producendo affectu operam præstant.

Motus & Quies, si vel limites transcendant, vel minus commoda habeant tempora, promovendis his febribus sæpiusculè ansam præbent. *Corporis* quidem *motus*, secundum varia exercitiorum genera institui solitus, isque *nimius*, præsertim post cibum sumptum, ventriculi actionem in expellendo chyloso liquore præmaturè accelerat, partium utilium ab impuris debitam sequestrationem impedit, sanguinem cum humoribus antea quietis, vel torpidis, enormiter exagitat atque turbat, spiritus deniq; humorum alias vitiosorum moderatores eliminat ac disjicit; unde varia corpori incommoda exsurgere, nemo non videt. *Montanus l. de morb. part. conf. 100.* fœminæ exemplum proponit, quæ à nimio *saltationis motu* catarrhum cum febre continua incidit. *Vigilias* huc *nimias* refero, quæ itidem corpus insigniter calefaciunt, humorumque agitationem promoven-
Animi vero *motus* ac perturbationes vehementes notabilem quoque humorum motum ac ebullitionem produ-
cunt, ubi *Ira* imprimis eminet, quæ sanguinem in vasis nimium exagitat, ejusq; per cor transitum præposterè cogit ac reciprocatur, unde juxta *Scherbium* nihil sub sole vehementius humores ciet, quam *Ira*.

Quies contra nimia, *vitaq; deses & otiosa*, *somnus* item immodicus, quia partim superflua humiditatis per cutis spiracula exhalationem impediunt, partim humores sanguini admixtos inertes reddunt ac ignavos, corpusq; universum heterogeneis ac impuris ichoribus replent, in febrium harum generatione promovenda non parum conferunt subsidii.

Excreta & Retenta præprimis hîc considerari merentur, qua-

quatenus ea, quæ secundum naturæ leges evacuari ex corpore debebant, vel in totum retinentur, vel in fluxu jam inchoato sistuntur, variaq; in vasis ac visceribus, inquinamenta colliguntur. *Adiαννευσία* imprimis, sive effluviorum per cutis poros *cohibita transpiratio*, uti in omnibus febribus generandis, ita præcipue in hacce, maximam efficaciam obtinet & sola ferè nonnunquam in causa est, quod sanguinis massa tam copiosâ humorum serosorum prole fœcundetur. *Sudoris* suppressa evacuatio, si vel motu is fuerit excitatus, vel arte institutus, vel spontè quibusdam noctu fluat, (uti scorbuticis) accedente partium denudatione subitaq; tefrigeratione, insignem corpori alterationem affert, materiaque aquosa per corporis ambitum jam transitura sistitur ac repellitur. Qui *sputis* copiosis, manè præsertim, vel crebris *salivationibus* divexantur, si quando serosi hujus liquoris separationem cohiberi accidat, hi ob restitantes illos humores facile deinceps ad catarrhales morbos disponuntur. De reliquis excretionibus quædam hîc addere superfluum videtur, cum, quæcunq; illæ sint, si supprimantur, facile appareat, peregrinâ corpus saburrâ aggravari, febresque potissimum serosas accendi.

Res deniq; PRÆTERNATURALES paucis memorandæ veniunt, quæ, uti variæ sunt, pro subjectorum his vel illis affectibus obnoxiorum diversitate, ita sæpius in accersendis his febribus plurimum valent. Imprimis *cachectica* corpora & *scorbutica*, item ab hypochondriorum affectu malè habentia, catarrhosas febres facillimè incurrunt, sero videlicet ipsorum tum acri, tum copioso exæstante, & ad glandularum confinia delabente, ibidemque excreto. *Scabies* quoq; intempestivè curata ac retroacta, *abscessus* item, & quod nuper observavit *Dn. D. Præses*, *Fonticuli*, ut & *ulcera* maturius conglutinata, huc referenda, quatenus acriores ipsorum particulae sanguini redditæ, fermenti instar eundem irritant & exagitant, & ad glandularum simul colatoria cum attenuato sero transportantur.

Febribus quoque aliis, & variarum evacuationum suppressionibus hîc non recensendis, *Viscerum quoque intemperiebus*, de quibus ex parte jam supra actum, supervenire vel succedere solent.

CAPUT IV.

Signa diagnostica.

EXpositis Causis ad *Signa* nunc investiganda provehimur, quorum cognitio summopere est necessaria; quantum enim in dignoscenda morbi præsentia de Signis nobis constiterit, tantum in sanatione perficienda felicitatis obtinebimus. Sunt autem alia *Diagnostica*, alia *Prognostica*, *Diagnostica* alia sunt *imminentis* morbi, alia verò *præsentis*, quæ accuratiùs jam considerabimus.

Imminere febrem catarrhalem, ostendit primò *αἰμα-
Αἰα* quædam corporis sive *inequalitas*, quâ correpti de valetudinis integræ carentia quidem conqueruntur, nullâ tamen notabili molestiâ affectos se esse sentiunt, nec verbis inordinationem illam exprimere queunt; donec spontanea quædam *lassitudo* sensim subrepat, & *dolor gravativus* musculosum genus, artus imprimis ac dorsum corripit. Succedit deinde *capitis dolor gravativus*, aliquando continuus, aliquando per intervalla affligens, & *αλεε* seu ponderis capiti inhærentis sensum obscurū præ se ferens. *Horripilatio* quoque per vices accedit & recedit, sed quæ ob levitatem ab ipsis ægris sæpe vix advertitur, cum detrimentum inde notabile nondum percipiant.

Præsentem verò affectum demonstrant signa varia, eaque
I. ESSENTIALITER INHÆRENTIA, videlicet quæ morbum primariò constituunt, & de ejus essentia, more ac indole, certo certius testantur. Talia sunt (1) *Horror* leviusculus cum ingruente mox *calore febrili*, totum corpus invadente; quæ febrilis tamen intemperies non omnes æquali intensiōis gradu urit, & lecto affixos tenet, sed mitior

tior in nonnullis est, & aliqualem adhuc obambulandi, vitæq; obeundi munia, promptitudinem concedit. (2.) *Tussis* molestissima, cum *pectoris angustia* ac dolore, & *respirandi difficultate* satis magna, subsequente mox *raucedine*, affectum hunc plerumq; comitante. *Tussis* illa initio quidem morbi *sicca* sæpissime est, sine ulla phlegmatum rejectione; progressu verò morbi *humidior* fit, & copiosa nonnunquam sputa educuntur. *Willisius* cruenta aliquando sputa in his febribus evacuata esse, *lib. de feb.* notavit, item *Bokelius Synops. catarrh. febril. c. 4.* (3.) *Faucium* ac palati *intumescentia*, cum conjuncto nonnunquam *tonsillarum* aliarumque *colligularum* (*parotides* quoq; tumidas *Bokelius l. c.* memorat) tumore, *anginam* aliquando mentiente, præviis ut plurimum *sternutationibus*, *humorisq; acris*, imò *sanguinis* interdum, ex naribus *profluvio*, orisq; *salivatione*, unde (4.) *signum coryza* molesta constituere omnino potest. Et hæc quidem signa aliquando simul ferè adsunt, interdum tamen se invicem per intervalla quædam breviora subsequuntur.

II. ESSENTIALITER CONSEQUENTIA, siue quæ prioribus positis abesse vix possunt, sed ex necessitate quædam adjunguntur, quò universus symptomatum concursus pertinet. Videlicet in *naturali facultate Ventrículus* grandem patitur noxam, debilitate, inappetentiâ, nausæâ corripitur, imò ad vomendum aliquando vehementius contrahitur cū feri alicujus pituitosi exturbatione. *Intestina* quoq; non omnino innoxia sunt, dum sæpe *mucosum serum*, vel fortius stimulata, *sanguinolentam colluviem* per inferiora deponunt. *Fauces* humore tenaci ac viscido obducuntur, *Lingua* modò arida magis est, modò limo obviscata. *Sitis* respectu aliarum febrium, quas comitari plerumq; solet, adest quidem, ob *Thinas atomos*, sed longè minor, ob dilutius diffusiusq; serum. In *vitali pulmones* varia experiuntur incommoda, *anhelitum laboriosum* cum suffocationis aliquando metu, *distensionem* gravem, cum ruptionis vaporum periculo, ipsorumque simul *bronchiorum à serosa ex-*

fu-

sudante colluvie *coarctationem* & angustiam. In *animali Caput* dolore gravativo, leniori initio, mox verò ingravescente, attentatur, *vigiliis* turbatur, vel *somno*, si quando adfit, *turbulento*, gravibusq; *insomniis* divexatur, unde *delirio* tandem corripit ægros in his febribus non rarò accidit. Adsunt nonnunquam & alia symptomata, sed ea vel reliquis febribus communia, vel pro individuorum natura ac conditione differentia, ideoque hic seorsim non enumeranda.

III. CAUSÆ prægressæ, dispositionem quandam vel aptitudinem his febribus conferentes, quales variæ omnino sunt capite præcedente enumeratæ.

IV. SIMILITUDO tandem non rarò morbi præsentiam patefacit, præcipuè cum epidemicum in morem plures ex communi causa invadit, concedentibus quasi in hunc, aliorum epidemiorum exemplo, reliquis morbis.

Causarum signa, remotiorum imprimis, considerationem hîc vix merentur, cum partim per se manifesta fiant, partim ex ipsa ægrorum relatione haberi non difficulter possint.

Signa prognostica quod concernit, de iis cap. VIII. agemus.

CAPUT VII.

Symptomatum Ratio.

Capite præcedente varia proposuimus phænomena, quæ febribus catarrhalibus juncta esse consuevêre; ut igitur natura illarum febrium clariùs pateat, rationem omnium symptomatum, quoad fieri potest, exactam nunc reddere, allaborabimus.

Inæqualitas morbum antecedens, *lassitudo* spontanea, *dolor* artuum, *dorsi* & *capitis gravativus*, inchoantem humoris serosi turgescientiam ac commotionem præternaturalem indicant, quo ipso fit, ut effervescens hoc Serum, inque vasis sensim rarefactum, eadem distendat, in musculos verò ita inordinatè influens carnes eorum ac fibras

bras premat, membranas sensu molesto, at obscuro, feriat, eamque, quam diximus, *diuresis* introducat.

Horripilatio per intervalla accedens & recedens, ab inæqualibus & magis jam magisque ebullientibus, genusque membranofum stimulantibus particulis originem ducit, ita tamen, ut inducias nonnunquam illæ uanciscantur, & dum elevari ac efflorescere aliquo modo cœperant, mox tamen iterum quietiores reddantur, ac detumescant.

Subsequens verò, increbrescente morbo, febrilis *horror* majorem jam humoris morbifici mutationem, deterioremque statum arguit, dum nimirum is aliquantò jam fortius insurgens, acriorque sensim redditus, ambitum corporis liberius pervadit, partiumque sensibilibus, panniculi præsertim carnosus, vellicationem infert.

Calor tandem ac æstus febrilis plenariam heterogenei illius seri ebullitionem incensionemque denotat, quo tum igne expansum illud magis ac liquatum, violentius in canalibus suis fertur, medianteque cordis motu in universum corpus diffunditur. Non tamen hic febrilis fervor in omnia corpora idem exercet dominium, sed benignius apprehendit ea, quibus laudabilior habitus, & massæ sanguineæ firmior compages, nec facile dissolubilis, æstuante tantum aquosiore tenuioreque illius parte: quæ verò sunt *duo die Popnca*, valetudinaria, cachectica, sanguine impuriore, promptè fatiscente, turbarique apto prædita, durius ac violentius invadit, nec, ut illa, paucorum dierum intercapedine absolvit, sed gravi satis ac periculosâ plagâ diutius infestat.

Quandoquidem verò fervidum hoc serum, in vasis antea coarctatum, jam verò capaciora requirens spatia, exitum alicubi tentat, qui à corporis tamen poris, constrictioribus adhuc, ipsi denegatur, impetuosius idcirco partim ad *pulmones*, partim ad *glandulosa corpora*, feri alias naturalis secretoria, decumbit, ibidemque pro cujuslibet partis dispositione varia excitat symptomata.

Tussis igitur simul cum febre ingruens non aliunde videtur

detur esse deducenda, quàm à seroso ichore per effervescentiam prædictam in cruoris massa commoto ac dilatato, eque lævibus pulmonum arteriis in asperas transeunte, ibidemque, dum parcior adhuc esset illius secessus, & pulmonum pori angustiores, *siccam*, dum verò patentiores iidem rediti, & materia serosa penitiùs sanguinem derelinqueret, *humidam* tussim producente.

Separari autem serosas has faculentias in ipso *pulmonum* corpore, dubium nullum videtur, cum naturaliter, quoque humiditatis ibi alicujus ex arteriis sanguinis in bronchiales fiat transitus, quod *Malpighii* experimentum (in injecto arteriam pulmonalem liquore, qui in asperam usq; arteriam agitando penetrat) satis confirmat, & ipse quoq; *Rolfinc. diss. de Catarrh. p. 7.* ex arteriis lævibus materiam catarrhosam suffundi in pulmones existimat. *Montanus de Feb. Conf. 29.* fæminæ exemplum recenset catarrho insipido cum febre laborantis, quæ sanguinem cum tussi rejecit: ipse verò *Montanus* non à vasorum pulmonalium ruptione sed transsudatione in asperam arteriam fluxum hunc sanguinis ortum arbitratur; unde multò probabilius pituitosos humores ex vasis sanguineis in bronchialia penetrare posse, quispiam asseruerit.

Delabi verò materiam hanc, quæ tussi rejicitur, à faucibus in pulmones, probabile mihi non videtur, cum sæpe in ipso ore humiditatis nihil quicquam percipiatur, (lingvâ potius sicca, palato arido existente) & nihilominus crebriora cum tussi sputa rejiciantur; renuente insuper id exquisito asperæ arteriæ sensu, qui ne minima quoque peregrina, acria præsertim, in ipsam descendere, nedum moras ibinectere, permittit. Interim phlegmata in catarrhosis affectibus rejici solita, an omnia ex pulmonibus ascendant, dictum nolumus, cum aliis etiam in locis ea separentur: neque etiam *pectoralia medicamenta*, vel potiones vel sirupos, expectorationem aliàs promoventia, si in pulmones non descendant, frustra exhiberi asserimus, sed locum ea nihilominus habere omnino putamus. Nimirum pectoralia

ralia exhibita, præsertim Sirupi, pituitosa illa crassamenta, palato, laryngis extremitatibus, ipsisque tonsillis agglutinata, dum iis adhærescunt, resolvunt, liquefaciunt, & ad educationem apta reddunt, quæ postmodum, accedente, tussiacreatu, non ita difficulter ejici se patiuntur; quin ab ipso aliquando ventriculo catarrhosa hæc recrementa, (citra tamen vomitum) ejici nonnulli existimant, persvasum habentes, motum pectoris in tussi validiorem, è ventriculo etiam simul compresso molem istam pituitosam ac lubricam facili negotio posse excutere, præsertim si medicamentis ad exitum fuerit disposita, id quod subsequens etiam aliquando vomitus confirmare videtur. In ipsos verò laryngis meatus thoracica medicamenta immediate non descendere mihi videntur; nec tamen eorum sententiam facile hîc amplectimur, qui educationem pituitæ ex pulmonibus putant fieri, quatenus emollito per sirupos œsophago, ob tunicam communem, aspera quoque arteria à sirupis transsudantibus irrigetur; sed solâ pectoris concussionem in tussi observabili (non exclusâ tamen medicamentorum circulationis lege eò deductorum operatione) materiam serosam ex bronchiis pulmonum exturbari putamus. Facile hinc patet, quid de reliquis in thorace obviis symptomatibus, *angustiâ ac dolore pectoris, spirandi difficultate, raucedine*, judicandum sit; omnia nimirum hæc à peregrino illo muco inspirationis organa intus obviscante originem ducunt, præterquam quod pectoris illa angustia in ventriculo sæpe ipso sedem suam habeat.

Circa *Fauces* quæ occurrunt symptomata, *palati, tonsillarum, glandularumque colli* variæ molestiæ, *narium item fluxus* vel serosus vel sanguineus, cum conjuncta *sternutatione*, allabenti ad eas partes sero exagitato adscribenda videntur, ubi, quæ officio suo funguntur glandulæ, tenuiorem hunc laticem in oris & narium cavitatem dimittunt, quæ verò vitio aliquo præpeditæ, vel ubi nimis impetuosè humor irruit, in tumorem aliqualem aguntur, aut alio quodam modo afficiuntur. Omnes scilicet glandulosas ad caput par-

tes,

tes, quæ salivalem aliàs humorem in os ac ventriculum demittunt, serî hujus præternaturalis secretioni vacare, tam certum est, ut, qui negare audeat, partium harum usum minus rectè cognitum habeat. *Schneiderus* cum in dubium vocat materiæ catarrhalis ex cerebro ad os & pulmones descensum, tunicam palati extremam, *membranam pituitariam* ipsi dictam, substituit, & per eam catarrhos quoscunque ex sanguine transsudare ingeniosè affirmat. Hanc sententiam ego ex parte amplector, quatenus non ex cerebro, sed à sanguinis massa deducit serum, ex parte autem ab eâ secedendum puto (quod separationis præsertim modum attinet) dum serum ad membranam illam cum impetu impulsam *per conniventia vasorum oscula* immediate in fauces excidere docet, neq; ullam glandularum in membrana ista contentarum mentionem facit; nam quicquid per hanc palati tunicam exit, non proximè ex vasis sanguineis elabitur, sed mediantibus glandulis per peculiare ductus in fauces effunditur; nec præterea sola illa membrana sufficit, sed omnes in universum faciei ac colli glandulæ, sive in oculos & nares, sive buccas, palatum & œsophagum sese exonerent, hanc catarrhalis serî vel parciorem vel largam separationem unice perficiunt.

Ventriculi vitia ab eodem serî præternaturali incendio ac segregatione deducuntur: *debilitas* quidem & *inappetentia* à fermento ventriculi magnam immutationem perpesso, quatenus vel in ipso stomacho intemperatius illud redditur, vel antequam in ipsum deveniat, variis partibus peregrinis permiscetur: *Nausea* verò & *Vomitus* à copioso pituitæ catarrhalis in ventriculum delapsu (vel mole ipsum gravantis, vel acrimoniâ vellicantis) oriuntur.

Diarrhææ causam Autores humoribus serosis per fauces & ventriculum ad intestina descendantibus, eaq; relaxantibus & ad excernendum stimulantibus attribuunt, quæ ex parte quidem ita sese habent; interim tamen defluxus hic à superioribus non sufficere videtur, sed magnam faculentæ illius saburræ partem in ventriculo & ipsis intestinis, per *glandulas miliares* nuper detectas, (pituitam intestinorum

mucosam naturalem aliàs exsudantes) separari probabile est. *Dysenteria* si conjungitur, maximam humorum attenuationem, & rodentem acrimoniam, stimulis suis intestinorum substantiam ferientem, incusandam esse, effectus satis ostendit.

Faucium squalor, & *linguae* ariditas unde sint, ex supradictis patet, nimirum à pituita catarrhali ad partes illas demissa, per eam febrilem æstum condensata.

Sitis adest, ob præternaturalem corporis fervorem, per quem salivale serum (oris & faucium humectationi ex parte aliàs destinatum) ex glandularum canalibus effluens, nimis citò incrassatur & spissescit, eoq; ipso debita humiditatis aliqualis defectus exoritur.

Capitis variae perturbationes, dolor, vigilie, insomnia, delirium, ab eadem humoris serosi nimia commotione ac effervescentia dependent, tum quod vasa & glandulae cerebri à præternaturali istius influxu distendantur nimis ac tumeant, tum etiam, quod ipsi cerebri pori vel ad defectum somni omnimodum, vel ejusdem inordinationem variè disponantur.

Quod circa noctem moveatur magis & exasperetur affectus, à natura serosi humoris dependet, utpote quidam, noctis Dominæ, imperio, præ cæteris humoribus subjectus, eo tempore turgescere facilius potest. Et hæc de symptomatum explicatione ac causis sufficiant.

CAPUT VIII.

Prognosis.

Quamvis de febrium catarrhalium futuris eventibus certi aliquid prælagire non semper liceat, & quod de acutorum morborum prædictionibus *Hippocr. sect. 2. aph. 19.* adnotavit, hic quoque locum habeat, tamen prognostica signa non omnino intacta relinquemus, sed quid boni sperandum, quidve metuendum mali in his febribus sit, paucis

considerabimus. *Prognosis* igitur in eo versatur, ut 1. *Eventum morbi*, 2. *Durationem*, 3. *Modum eventus* determinet.

I. *Eventus quoad salutem & mortem* dignoscitur partim ex ipsa morbi *essentia*, quò scilicet copiosior, acrior & impurior seri in corpore proventus, & quò febrilis effervescencia vehementior existit, eò majus periculum inde metuedum: partim ex *consequentibus*, ubi symptomatum multitudo & insolita gravitas infelix sæpe portendit augurium. Præcipue faucium insignis tumor, spirandi magna difficultas, & sanguinis cum tussi copiosa excretio, ob suffocationis, hæcticæ, aliusve gravis mali periculum, dubium plerumque eventum prælagiunt. Naturales quoque & animales functiones si notabile detrimentum patiantur, hîc quidem vigiliis diuturnis, delirio fortiori, capitis immani dolore, illic verò enormi vomitu, alvi fluxu cruento &c. ingruentibus, sinistra potius quàm fausta licet ominari. Imprimis verò de salute dubitatur, ubi ingens virium prostratio, & vigiliæ continuæ adsunt, his enim plerumque deliria superveniunt, & nisi medicamentis & diætâ citò auxilium paretur, brevi mors ipsa succedit.

Cause præterea vel vitæ securitatis vel mortis periculi signa prænunciant: tum *aër*, qui quidem ratione solius inæqualitatis periculosus adeò non existit, quatenus verò corruptis & contagiosis halitibus scatet, suspectum fore morbi eventum præmonstrat: tum *ætas*, infantilis præsertim & senilis, quæ, cum sero maximè abundet, vires tamen hujus ferociæ perdomandæ impares habeat, morbi insultibus violentioribus succumbere præ aliis cogitur. Corpora quoque *infirmiora* & minus robusta, vel naturâ talia, vel prægressis aliis morbis enervata, non rarò hujus affectus exitum infelicem experiuntur, ceu *Willis. in febr. catarrh. epidem.* observavit.

II. *Duratio* ex febrium catarrhalium naturâ desumitur, cujus ratione febribus acutis admunerantur, quæ brevioris sunt durationis. In se igitur consideratæ, curationem non ita difficilem vel longam reddunt, sed, si ritè currentur,

rentur, intra paucos dies ad salutem terminantur, non obstante, quod vestigia sua & reliquias per longiusculum tempus partibus imprimant. Ratione verò morbificæ materiæ crudioris, peregrinæ, nec faciliè subjugabilis, sanatio nonnunquam protrahitur, vel morbus in alios febriles affectus, quartanam, hæcticam, tabem, hæmophthyfin &c. degenerat. Qui leviùs saltem decumbunt, tertio vel quarto plerumq; die, succedente diaphoresi, à morbo liberantur.

III. *Eventus modus ad salutem fit*, cum à degeneris feri contubernio natura sese liberans sensim illud discutit, perq; cutis poros quovis modo evacuat, aut, sicubi in pulmonibus ejus inchoata sit sequestratio, per sputa convenienter & citra molestiam expellit, prævio *πεπυσμῶ*, & ad statum naturalem mitigatione. Ad mortem verò tendit, aut pulmonibus, quavis de causâ infirmis (quod de connascentia eorum cum pleurâ *Bokelius* observavit) nimiumq; infarctis, aut non succedente (ob penitiùs immersam massæ sanguineæ aqueam serositatem) per corporis ambitum humoris morbifici evacuatione.

CAPUT IX.

Curatio.

Curationem ritè inchoaturi usitatas illas *Indicationes* sequemur, quibus tanquam fundamentis tota morbi sanatio nititur, & convenientium remediorum potissima debetur inventio. Tales verò *Indicationes* sunt triplicis generis: 1. *Curatoria*, quæ in eo versatur, ut ipsum morbum tolli, & symptomata graviora removeri præcipiat: 2. *Præservatoria*, quæ causarum, remotarum præcipuè, ablationem vel correctionem svadet: 3. *Vitalis*, quæ vires tam præsentes conservari, quàm debiles roborari, prostratasq; restaurari indicat.

Cum itaque febrem catarrhalem suprà deduxerimus
ab

et humorum serosorum in massâ sanguinis collectione, fermentatione ac incendio, cum sequente variarum partium debilitate & noxâ, eosdemque humores à variis produci causis externis ostenderimus, illæ nunc *indicationes* oriuntur: (1.) ut ipsius intemperiei febrilis habeatur ratio, extinguendo obortum in corpore incendium, vel mitiorem saltem reddendo ejus flammam. (2.) ut coacervata serositas vel ante incendium, vel deflagrationem jam passa, è corpore eliminetur, irrequieta sedetur, & temperie suâ defraudata in pristinum ac naturalem statum reducatur. (3.) ut symptomatum vehementia mitigetur, partim malè affectarum vitale robur restauretur, spiritusque disgregati sibi met restituantur ac vigorentur. (4.) ut nova seri heterogenei productio, ejusve in vitiosam progeniem immutatio præpediatur.

Hisce igitur Indicationibus ut satisfaciamus, ipsa jam *Remedia* subordinabimus, quæ ex triplici hauriuntur fonte: *Chirurgico, Pharmaceutico & Dietetico.*

CHIRURGICA inter auxilia primò sese offert **VENÆ SECTIO**, quæ an in catarrhali febre indicetur, Autores inter se non conveniunt, dum alii eam proficuum, alii cum maximo vitæ discrimine administratam fuisse pronuntiant. *Sennertus de Febr. l. 4. c. 17.* Febris catarrhalis anno 1580. epidemicè grassantis meminit, ubi, quibus vena fuit secta, omnes interierunt, ita ut ultra 2000 Romæ tum fuerint extincti. *Ballonius in Obs. p. 283.* ejus usum admittit, non catarrhi quidem ipsius respectu, quem hoc modo tolli dubitat, cum ejus ex capite sit descensus; sed quatenus cum sanguine humor catarrhalis confundatur, & febris simul sit conjuncta. Verùm periculo res omnis caret, & magno cum fructu magnæ hoc efficacix remedium adhibetur, dummodo *subjectorum* habeatur ratio, quibus venæ sectio vel prodesse possit adhibita, vel obesse intermissa; uti enim febris non promiscuè Venæ sectionem indicat, ita nec catarrhus eandem absolutè prohibet. Conjuncto igitur cum febre catarrho, more morbi aliisque circumstantiis non re-

pu-

pugnantibus, vena tutò secanda, si e.g. vires sibi adhuc consent, ætatisque robur permittat, nec corpus fuerit cacochymicum, aut malignitas aliqua febrem comitetur, qualis illa fortè fuit, quam *Sennertus l. c.* describit, *Bokelius* tamen in ejusdem febris descriptione c. 17. venæ sectionem magno cum auxilio administratam fuisse, sinistrum verò eventum intempestivæ & promiscuæ sectioni adscribendum existimat. Quod enim catarrhales potissimum febres attinet, per Venæ sectionem non vasa tantum sangvinea deplentur, unde febrilis æstus plurimum remittit, serique exæstuantis ὀρεγασμός sedatur, cum imminuta simul ejus copia; sed & humoris morbifici impetuosior ad partes affluxus inhibetur, motuque ducitur contrario, unde vel cephalalgia urgentis, vel angina aut suffocationis præsentissima sæpè existit medela. Non tamen æquè liberaliter, ea semper instituatur, sed ad cruoris ipsius copiam ægrique vires sit mensurata, & præstat parcum esse in hoc casu, quàm effusum & liberaliorem, ne sanguinis, rubicundi illius vitæ balsami, animæ corporisque vinculi, pænitenda fiat profusio. Quæ initio febris sit Venæ sectio, convenientior quidem habetur, attamen & morbo augescente, si nimius sanguinis fervor, ac immanes adsint vigiliae, eam denuo repetendam esse, *Willisus* monet. Locus absq̃ venarum curioso delectu determinetur is, qui vel evacuationi vel revulsioni aliive intentioni commodissimus videbitur.

Reliqua Chirurgiæ præsidia tantopere hic non efflagitantur, cum plerorumq̃ tardior ac remissior sit operatio, nisi *cucurbitulas* fortè in usum aliquando trahere placeat, præsertim in magna virium imbecillitate, & spirituum exigua suppellectili. Præservationis ratione *Fonticulorum* quoque usus non improbandus fuerit.

PHARMACEUTICA nunc videamus remedia, quorum alia humorum abundantiam vel per intestina, vel corporis ambitum evacuant, alia eorundem vitiosas qualitates alterant ac immutant, alia denique vires ruinam minitantes

tes, vel collapsas, firmant ac erigunt, *viscerumq;* peculiari-
um curam peculiarem gerunt.

LENIENTIA (ut consveto progrediamur ordine) ma-
gni usus sunt; ut enim in genere, ubi purgantibus non æquè
locus est, ipsis patet aditus, ita etiam hoc loco, ceu in o-
mnibus morbis, alvum esse apertam præstat, ad humores in
ventriculum ac intestina, tanquam sentinam ordinariam,
demissos leniter subducendos. Præcipuè salutaris eorum
adhibitio est in *initio* morbi, quatenus fomitem simul febris
è corpore exterminant; quale quoque commodum à Cly-
steribus injectis sæpe impetratum fuit. Eum igitur in fi-
nem ex *Manna Calabr. Mechoac. alb. Sirup. rosar. solut. Sirup.*
de polypod. MPil. de Succin. Craton. Cryst. ♀ & similibus variæ
concinnari possunt Lenientium formulæ. Sic

℞ ∇ *Cichor. Acac. Fumar. āā ʒj Extr. Rhab. Fol. Sen. āā ʒß*
Sir. rosar. solut. ʒj. M. F. Potio S. Laxir. trānclein.

℞ *MP. ♀ ear Querc. Aloës rosat. āā ʒj. Extr. Cartham. ʒß*
Theriac. gr. VI. M. F. Pilulæ No. XL. S. Lind-Pillen
auf etliche mal.

℞ *Herb. 5. emoll. āā Mß. Endiv. Lactuc. āā Mj. Flor. cha-*
mæm. melilot. āā pj. Sem. Lin. Fenigr. āā ʒij Prun. dalc.
No xij.

Coq. in f. q ∇. f in colat. ℔j. dissolv. Elect. diacathol. ʒvj
Ⓞ ʃ. ʒj. F. l. a. Clyster emolliens & refrigerans.

PURGANTIA verò VALIDIORA præsentē jam
morbo vix indicantur, ne materiæ jam turgescētis cursus
violentius citetur, sed præstat eorum usus vel ante febrem
ingruentem, *præservationis* gratiâ, vel eâdem remittente ad
ferosas *reliquias*, alterationem jam passas, evacuandas, &
recidivam præcavendam. *Digestiva* aliquando, ut felicior
succedat operatio, præmittuntur, qualia passim apud Au-
tores videri possunt.

℞ *Pulv. laxativ. vegetab. Cryst. ♀ āā ʒj Mag. Scammon.*
gr. iiij. M. F. Pulvis. S. Purgir-Pulver auf 1. mal.

℞ *Extr. Agar. Helleb. nigr. āā gr. v. Resin. Gialap. gr. viii.*
Ol. succin. gt. i. M. F. Pilulæ N. xij. S. Purgir-Pillen auf
1. mal.

℞ *MP.*

℞ *MP. de Succin. Craton. ʒj Extr. Helen. ʒ℔ Resin. Gialap. gr. v. Diagrid. gr. iii. M. S. ut supra.*

℞ *Extr. panchym. Croll. Pulv. cathol. purg. āā gr. xv. Diagr. ʒat. gr. iij. Conf. ros. ʒlat. ʒij. c. Sir. de farfar. M. F. Bolus. S. Purgir. Zucker auff 1. mal.*

DIAPHORETICA verò maximam hîc merentur laudem, eorumque rectâ administratione totum ferè curationis negotium absolvitur; iis enim motus exorbitantis lymphæ corrigitur, vel restagnantis alicubi restituitur, pori cutis, vasaq; capillaria obstructa & coarctata aperiuntur & ampliuntur, vitiosaq; seri colluvies maximâ parte excutitur, adeoque antidotus sunt & febris & catarrhi, vel utriusque, remedia verè specifica & appropriata. Talia autem propinentur, quæ nimia caliditate non obsint, sed temperatiora, &, si malignitatis fortè adsit suspicio, simul alexipharmaca. Chimia nobis hujus effectus sistit quam plurima, interque ea ex *Succino*, & cum eo parata, nobilissima esse, nuper monebat *Excell. Dn. D. Præses*. Magni quoque usus sunt *Bezoart. miner. Oare, Dare, ʒ diaphor. lap. Bez. Mixt. simpl. Tinct. Bezoart. Spir. Theriacal. camph. Spir. lign. sanct. Ess. lign. sassafr. & similia*. Possunt quoq; sequentia exhiberi.

℞ *▽ Card. ben. Flor. sambuc. Scorzon. āā ʒvi. Mixt. simpl. camph. ʒj. Sir. acetos. ʒ℔. M. F. Haustus. S. Schweißträncklein.*

℞ *▽ Catarrhal. Scabios. Fumar. āā ʒj. Diascord. Frac. ʒi ʒ Succin. ʒ℔ Sir. card. ben. ʒ℔ M. S. ut supra.*

℞ *Tinct. Bez. Mich. ʒi Ess. Catarrhal. comp. ʒj. liq. anod. gt. ij M. D. in vitro S. Schweißtreibende Tinctur.*

℞ *Pulv. bez. Senn. ʒ℔ Bez. ʒal. ʒi. mag. anod. g. v. M. F. Pulvis. S. SchweißPulver.*

℞ *Conf. ros. rubr. ʒvi. Bez. miner. ʒj. bol. arm. ppt. ʒ℔ Sir. papav. rhead. q. s. M. F. Bolus. S. Schweißtreibender Zucker.*

ALTERANTIA porrò ac refrigerantia maximè hîc sunt expetenda, ut febrilis calor attemperetur, & sero æstu-

anti pristina reddatur temperies ; quibus confortantia quoque
adjungenda, ad dejectum viscerum robur restituendum,
spiritusque languentes reficiendos.

R. ▽ *Endiv. acetos. Scorzon. aa ʒij. Tinct. flor. 4. cord. ʒ℥ Sp.*
Θ *dulc. Clyss. ʒ℥ ʒat. aa ʒj. Sir. acetosif. Citr. Diacod.*
aa ʒ℥ M. F. Potio S. Rühlund Stärck-tranck.

sumatur per intervalla.

R. ▽. *Scorzon. ʒij. cord. Herc. Sax frig. ʒj. Sp. Θ. ʒ.*
Tinct. Corall. c. succ. citr. aa. ʒ℥. Sir. Flor. papav. rhead.
q. s. ad grat. M. S. ut supra.

R. *Tinct. Viol. ʒij. Clyss. ʒ℥ ʒat. ʒi. M. S. ins Bier. 30.*
Tropffen:

R. *CC s. Δ. Bol. arm. ppt. aa ʒi. Corall. rub. ppt. ʒ diaph.*
aa ʒ℥. Sacch. perlat. ʒij. M. F. Pulvis S. alterit Pulver
auff etliche mal.

R. *Mag. Perlar. ʒ℥ Corall. rub. ʒi. Specif. Cephal. Spec. Li-*
ber. aa ʒ℥. Laud. op. gr. ij. M. S. Stärck-Pulver.

SYMPTOMATIBUS etiam nunc succurrendum, inter
quæ præcipuam opem desiderat ipse *Thorax*, quatenus se-
rofa phlegmata in pulmonibus congesta, in aëris perficien-
da inspiratione non parum sæpè negotii facessunt. Itaque
ad materiam bronchiis inhærentem non tam præparan-
dam quàm educendam, *Tussim* quoque sedandam, conveni-
entia exhibeantur remedia.

R. *Rad. Tussil. Scorzon. aa ʒj. Herb. Scabios. capill. ʒ aa Mj.*
Flor. rosar. rub. samb. 4. cord. papav. errat. aa pi. ʒujub.
N. viij. Glycyrrhiz. ras. ʒiij.

Coq. inf. q. ▽. s. Colatur. ʒviij. add. Sir. de Pras. Acetosell.
aa ʒ℥. M. S. Brust-Tranck.

R. *Spec. diatr. s. ʒi. diamarg. frig. ʒi. Sir. ʒujub. Viol. Tussil.*
aa. ʒi. Oxyfacch. simpl. ʒvi. M. F. Linctus S. Brust-
Gafft.

R. *Spec. diatr. s. ʒ℥ rad. ari ppt. flor. Δ. Lap. 69. ppt. aa ʒj.*
ʒ diaph. gr. xv. pulv. anod. confort. gr. vii. M. F. Pulvis.
S. Brust-Pulver.

R. *Cons. ros. rub. ʒj. Spec. diatr. frig. ʒi. Bol. arm. ppt. ʒiij.*
Sir. papav. err. q. s. M. S. Brust-Zucker.

Quodsi

Quod si mitigato paulisper affectu *Tussis* cum dolore pectoris per longiusculum tempus adhuc duret, externa quoque remedia in subsidium vocanda, quæ internis, associata humores arctius infixos blandè discutiunt, & reliquias morbi sensim absumunt. v. g. *Linimenta* vel *Unguenta* pectori illita in hanc rem præprimis commoda sunt :

℞ *Ungvent. rub. potab.* ℥℞ *pectoral.* ℥vi. *Ol. Frin.* ℥iij. *M. F.*
Linimentum. S. Euserlich Sâltblein.

R. *Ungvent. Dialth.* ℥℞. *Ol. chamæm.* ℥iij. *petrol.* ℥i *M. S.*
ut supra.

Possunt quoque *Suffitus* & *Odoramenta* fieri ex variis, v. g. *Thure, Mastiche, Succin. Tacamah. Benzöe, Majoran. Serpill. Roremarin.* & similibus; nec *Masticatoria* ex *pyrethr. Mastich. Cubeb. Tabaco.* quibus aliquid *opii Theb.* addi potest, si necessitas urget, negligenda.

Reliqua symptomata cum alias quoque febres comitari soleant, nec peculiaria pro eorum mitigatione remedia hîc requirantur, iisdem diutius nunc immorari nolumus, consideraturi potius, quomodo per convenientem *viæ rationem* (in qua potissima catarrhorum curatio & præservatio aliàs consistit) seri abundantis ex corpore propulsi regeneratio præpediri, vel ejus in statum degenerem transitus prohiberi possit.

DIÆTA igitur commoda erit instituenda, sine cujus adminiculo sanitas integra vix ac ne vix quidem recuperari, nec recuperata citra recidivæ metum conservari potest.

VITALIS hinc Diætæ primùm habenda erit ratio, in qua *Aër*, vitæ nostræ assiduus comes, spirituumque animalium præcipua origo, non nimis *frigidus* sit, ne constrictis inde poris evoluturo humori serolo exitus præcludatur, aut ejusdem in massa sanguinis condensatio aliqua oriatur, nec *fervidus*, ne æstuantis seri motus impensius concitetur; sed temperatus, qui, si naturâ talis non fuerit, per artem, v. g. suffumigia & odoramenta eò redigendus. *Austrinus* quoque ac *humidus*, item vaporosus, *impurus ac corruptus*, qualem habitaculorum subterraneorum vel palustrium, muro-

rum item calce vivâ recens incrustatorum, uvidæ ac *Qosæ* exhalationes suppeditant, omni studio fugiendus, & contra *salubris, purus ac siccior*, corpus suaviter afficiens, eligendus.

In NATURALI victus sit *parvus ac tenuis*, quem omnibus destillationibus competere *Herc. Saxon.* asserit, & Experientia comprobat. Alimenta itaque sint facilioris digestionis, nec humiditate nimia serosa, nec partibus *nohis*, *Æis*, acribus, constantia, ne vel causam morbi foveant, vel incensionem ansam præbeant. Cibi assumantur nutrimenti paucioris, quia asserente *Hippocr.* corpora impura quò magis nutriat, eò magis læseris; ad quorum tribum pertinent juscula pullorum gallinaceorum, caponum, panatellæ, ova sorbilia, crem. hord. vel aven. & pilorum cum vitell. ovor. pulmenta ex hord. poma *Borsdorffiana* & pruna *Damascena* cocta. Carnes verò, aliique crassiores cibi, ob ventriculi ac viscerum tonum langventem, vel non, vel parcissime assumantur, & remittente ac declinante morbo. *Pisces* vel planè fugiantur, vel, si appetitui ægri gratificandum, eligantur fluviatiles, qui salubriores, ut *Lucius*, item *Perca*, funduli. Pulli gallinacei ac columbini, capones, alaudæ, carnes agninæ ac vitulinæ aliquando concedi possunt, præsertim si acido quodam, e. g. succo citri, limonum, berberum vel granatorum condiantur. Panis cydonius post assumptum cibum proderit. Fructus horarii fermentescentes, ac olera ob humiditatem minùs commoda vitentur.

Potus non sit generosus, caput replens, sed tenuis, ut fervidior sanguis temperetur ac diluatur, qualis est cerevisia temperata, bene cocta ac probè defæcata, nec nimis recens, *Tinct. viol.* vel *lapide prunell.* alterata. *Decoctum hord. cum passul. maj. enucl. flor. viol. rad. glycyrrhiz.* *Fulebi ex* ∇ *acetos. fl. sambuc. Scabios. Sir. acetos.* *Citr. oxysacch simpl.* Vinum quamvis insigniter vires reficiat, ejus tamen usus ob febrilem æstum suspectus est; si tamen tenue id fuerit ac dilutum, aut febris decrementa agat, non omnino improbandum erit.

In

In ANIMALI *Quies* imperanda, ac *Somnus* concilian-
dus, ut materia catarrhalis motus inhibeat, & transpira-
tio fiat liberior, quem in finem lectuli calore corpus fovea-
tur. *Alvus*, si officio desit, stimulanda est *Clysteribus*, *sup-*
positoriis, vel *pilulis aloëticis*, *Feis Querc. Marocostinis*, vel a-
liis lenientibus. *Animi* perturbationes, sanguinem ve-
hementer concitantes, studiosè fugiat ægro-
tus. Sed hæc de Febribus catarrhalibus
dixisse hoc loco sufficiat.

D. S. G.

Flores doctrinæ monstras, Tua messis in
herba,
BOHNSTEDI; Virtus Te generosa
beat,
Det *benedicta Trias* messis TIBI plena se-
quatur:
Atque æger fructum sentiat inde suum.

CLARISSIMO DNO.
CANDIDATO,

pro
LICENTIA

Summos capeßendi honores publicam
conscendenti cathedram,
Invidendos successus & honorum atq; opum messem
uberrimam ex animo optat
PRÆSES.

Non

Non satis est corpus funestis ignibus uri,
Addita non rarò flebilis unda premit.
Tu fatagis motos dignè componere fluctus,
Unde Tibi cornu divite manat honor.

*avtegediasì Nobil. Dn. Doctorando
ita gratulatum ibat*

Georg. VVolffg. VVedelius
D. P. P. Medicus Ducalis Sax.

Quàm variant hominum studia & conamina; namque
Sæpius hic armis nomen sibi nobile quærit;
Ille peregrinos mores terrasque remotas
Perlustrans, aliisque modis encomia sperat.
Verùm delectat præclara scientia rerum
Egregios animos, qui nocte dièque labores
Mente ferunt alacri, ferientes sidera tandem
Vertice sublimi, doctâ adplaudente coronâ.
Quis, quæso, ex *Nostrò* nescit conamina summa,
Quæis veram laudem quæsit ab artibus? omnes
Eventus lætos *Tibi* prædixere futuros,
Scilicet ut virtus BOHNSTEDI rara triumphet.
Hos quia prævisos es percepturus honores,
Ex animo grator. Tibi prospera singula cedant!

Hisce

*Nobilissimo atque Experientissimo Dno. Doctorando,
Amico suo conjunctissimo, de novis iisque summis
in Medicinâ honoribus ex meritò impetrandis
gratulatur*

Augustin. Henr. Faschius, D.

Anat. Chirurg. & Botan. Prof. Publ.

Archiater Ducalis Saxon. & p. t.

DECANUS.